

פרק כ

וַיְדַבֵּר אֱלֹהִים אֶת כָּל־הַדְּבָרִים הָאֵלֶּה לְאֹמֶר: ס

אֲנֹכִי יְהוָה אֱלֹהֶיךָ

אֲשֶׁר הוֹצֵאתִיךָ מֵאֶרֶץ מִצְרַיִם

מִבֵּית עַבְדִּים:

לֹא יִהְיֶה־לְךָ אֱלֹהִים אֲחֵרִים עַל־פְּנֵי

לֹא תַעֲשֶׂה־לְךָ פֶסֶל |

וְכָל־תְּמוּנָה

אֲשֶׁר בַּשָּׁמַיִם | מִמֶּעַל

וְאֲשֶׁר בָּאֶרֶץ מִתַּחַת

וְאֲשֶׁר בַּמַּיִם | מִתַּחַת לְאֶרֶץ

לֹא־תִשְׁתַּחֲוֶה לֵהֶם וְלֹא תַעֲבֹדֵם׃
 כִּי אֲנֹכִי יְהוָה אֱלֹהֶיךָ אֵל קַנָּא
 פֹּקֵד עֹז אָבֶת עַל־בָּנָיִם
 עַל־שִׁלְשִׁים
 וְעַל־רִבְעִים לְשָׁנָאִי׃

וְעָשָׂה חֶסֶד לְאֲלֹפִים
 לְאֹהָבָי וּלְשֹׂמְרֵי מִצְוֹתַי׃ ס

לֹא תִשָּׂא אֶת־שֵׁם־יְהוָה אֱלֹהֶיךָ לְשׁוֹא
 כִּי לֹא יִנְקָה יְהוָה
 אֵת אֲשֶׁר־יִשָּׂא אֶת־שְׁמוֹ לְשׁוֹא׃ פ

זְכוֹר אֶת־יוֹם הַשַּׁבָּת לְקַדְּשׁוֹ

שֵׁשֶׁת יָמִים תַּעֲבֹד
וַעֲשִׂיתָ כָּל־מְלֶאכֶתְךָ

וְיוֹם הַשְּׁבִיעִי שַׁבַּת | לַיהוָה אֱלֹהֶיךָ
לֹא־תַעֲשֶׂה כָל־מְלֶאכָה
אֹתָהּ | וּבַנֶּהֱוֹבְתָךְ
עֲבַדְךָ וְאִמְתְּךָ וּבַהֶמְתְּךָ
וְגֵרְךָ אֲשֶׁר בְּשַׁעְרֶיךָ

כִּי שֵׁשֶׁת־יָמִים עָשָׂה יְהוָה
אֶת־הַשָּׁמַיִם וְאֶת־הָאָרֶץ
אֶת־הַיָּם וְאֶת־כָּל־אֲשֶׁר־בָּם
וַיִּנַּח בַּיּוֹם הַשְּׁבִיעִי
עַל־כֵּן בֵּרַךְ יְהוָה אֶת־יוֹם הַשַּׁבָּת
וַיְקַדְּשֶׁהוּ: ס

כִּבֵּד אֶת־אֲבִיךָ וְאֶת־אִמְךָ

לְמַעַן יֵאָרְכוּ יְמֵיךָ

עַל הָאֲדָמָה אֲשֶׁר־יְהוָה אֱלֹהֶיךָ נָתַן לָךְ: ס

לֹא תִרְצַח: ס

לֹא תִנְאָף: ס

לֹא תִגְנוֹב: ס

לֹא־תַעֲנֶה בְרֵעֶךָ עַד שִׁקְרָ: ס

לֹא תַחְמֹד בֵּית רֵעֶךָ

לֹא־תַחְמֹד אִשְׁתִּי רֵעֶךָ

וְעַבְדּוֹ וְאִמָּתוֹ

וְשׂוֹרוֹ וְחֹמְרוֹ

וְכֹל אֲשֶׁר לְרֵעֶךָ: פ

וְכָל־הָעָם רֹאִים אֶת־הַקּוֹלֹת וְאֶת־הַלַּפִּידִם

וְאֵת קוֹל הַשֹּׁפָר וְאֶת־הַהָר עָשָׂן

וַיֵּרֶא הָעָם

וַיִּנְעוּ

וַיַּעֲמֵדוּ מֵרַחֵק:

וַיֹּאמְרוּ אֶל־מֹשֶׁה

דַּבֵּר־אֵתָה עִמָּנוּ וְנִשְׁמָעָה

וְאֶל־יְדַבֵּר עִמָּנוּ אֱלֹהִים פֶּן־נָמוּת:

וַיֹּאמֶר מֹשֶׁה אֶל־הָעָם

אֶל־תִּירְאוּ

כִּי לִבְעֵבוֹר נִסּוֹת אֶתְכֶם בָּא הָאֱלֹהִים

וּבְעֵבוֹר תִּהְיֶה יְרֵאתוֹ עַל־פְּנֵיכֶם

לְבַלְתִּי תַחֲטְאוּ:

וַיַּעֲמֵד הָעָם מֵרַחֵק
וּמֹשֶׁה נִגַּשׁ אֶל־הָעֶרְפֶּל
אֲשֶׁר־שָׁם הָאֱלֹהִים: פ

וַיֹּאמֶר יְהוָה אֶל־מֹשֶׁה
כֹּה תֹאמַר אֶל־בְּנֵי יִשְׂרָאֵל
אַתֶּם רְאִיתֶם כִּי מִן־הַשָּׁמַיִם דִּבַּרְתִּי עִמָּכֶם:

לֹא תַעֲשׂוּן אֵתִי אֱלֹהֵי כֶסֶף וְאֱלֹהֵי זָהָב
לֹא תַעֲשׂוּן לָכֶם:

מִזְבַּח אֲדָמָה תַעֲשֶׂה-לִּי
 וְזָבַחַת עָלָיו אֶת-עֹלֹתֶיךָ וְאֶת-שְׁלֹמֶיךָ
 אֶת-צֹאֲנֶךָ וְאֶת-בְּקָרְךָ
 בְּכָל-הַמָּקוֹם אֲשֶׁר אֶזְכֵּיר אֶת-שְׁמִי
 אֲבוֹא אֵלֶיךָ
 וּבֵרַכְתִּיךָ:

וְאִם-מִזְבַּח אֲבָנִים תַעֲשֶׂה-לִּי
 לֹא-תִבְנֶה אֶתְהֶן גִּזִּית
 כִּי חֲרָבְךָ הִנֵּפֶת עָלֶיהָ
 וְתַחֲלִלָהּ:

וְלֹא-תַעֲלֶה בְּמַעֲלֹת עַל-מִזְבְּחִי
 אֲשֶׁר לֹא-תִגָּלֶה עֲרוֹתֶךָ עָלָיו: פ